

BOSNA I HERCEGOVINA
Federacija Bosne i Hercegovine
TUZLANSKI KANTON
V L A D A

Broj: 02/1-34-6537/18
Tuzla, 20.03.2018. godine

Na osnovu člana 5. i 29. Zakona o Vladi Tuzlanskog kantona („Službene novine Tuzlanskog kantona“, broj: 17/00, 1/05, 11/06, 13/11 i 15/17), Vlada Tuzlanskog kantona na sjednici održanoj dana 20.03.2018. godine, donosi

O D L U K U
o davanju saglasnosti

I

Daje se saglasnost na Pravilnik o unutrašnjoj organizaciji Ministarstva privrede Tuzlanskog kantona broj: 03/1-34-6537/18 od 12.03.2018. godine.

II

Odluka stupa na snagu danom donošenja.

DOSTAVITI:

- 1x Ministarstvu privrede
 1x Evidenciji
 1x a/a

PREMIJER KANTONA
Jakub Suljkanović



BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
Ministarstvo privrede



БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
ТУЗЛАНСКИ КАНТОН
Министарство привреде

BOSNIA AND HERZEGOVINA
FEDERATION OF BOSNIA AND HERZEGOVINA
TUZLA CANTON
Ministry of Economy

Tuzla, Rudarska br 57, tel: +387 35 369-327, fax: +387 369-332, e-mail: mp@tk.kim.ba, web: mrp.tk.gov.ba, www.vladatk.gov.ba

P R A V I L N I K
O UNUTRAŠNJOJ ORGANIZACIJI MINISTARSTVA PRIVREDE
TUZLANSKOG KANTONA

Tuzla, mart 2018. godine

Na osnovu člana 52. stav (1) tačka 2) Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj: 35/05) i člana 7. stav (1) tačka a) Uredbe o načelima za utvrđivanje unutrašnje organizacije kantonalnih, gradskih i općinskih organa državne uprave („Službene novine Tuzlanskog kantona“, broj: 12/08) a u vezi sa članovima 26. stav (1), 31. i 47. Uredbe o poslovima osnovne djelatnosti, dopunskim poslovima osnovne djelatnosti i poslovima pomoćne djelatnosti iz nadležnosti organa državne službe u Tuzlanskom kantonu koje obavljaju državni službenici i namještenici, uslovima za vršenje tih poslova i ostvarivanju određenih prava iz radnog odnosa („Službene novine Tuzlanskog kantona“, br. 9/17 i 11/17), ministar privrede u Vladi Tuzlanskog kantona, uz saglasnost Vlade Tuzlanskog kantona d o n o s i

P R A V I L N I K o unutrašnjoj organizaciji Ministarstva privrede Tuzlanskog kantona

I. OSNOVNE ODREDBE

Član 1.

Pravilnikom o unutrašnjoj organizaciji (u daljem tekstu: Pravilnik) Ministarstva privrede (u daljem tekstu: Ministarstvo) utvrđuje se: unutrašnja organizacija, broj i naziv organizacionih jedinica i njihov djelokrug, sistematizacija radnih mesta, rukovođenje Ministarstvom i organizacionim jedinicama, ovlaštenje u rukovođenju i odgovornost za obavljanje poslova, stručni kolegij, saradnja u izvršavanju poslova, programiranje i planiranje, dužnosti i odgovornosti državnih službenika i namještenika, javnost rada, kao i druga pitanja vezana za unutrašnju organizaciju Ministarstva.

Član 2.

Unutrašnja organizacija Ministarstva koja se utvrđuje ovim Pravilnikom zasniva se na sljedećim principima:

- racionalnosti i efikasnosti obavljanja svih poslova iz nadležnosti Ministarstva;
- grupisanju poslova u cjeline prema njihovoj međusobnoj povezanosti i srodnosti, vrsti obimu, stepenu složenosti, odgovornosti i drugim uslovima za njihovo obavljanje;
- ostvarivanju pune i ravnomjerne zaposlenosti svih državnih službenika da mogu doći do izražaja njihove stručne i druge radne sposobnosti;
- određivanju broja izvršilaca tako da bude adekvatan vrsti, obimu i složenosti poslova iz nadležnosti Ministarstva;
- pravilnoj raspodjeli poslova iz nadležnosti Ministarstva na poslove koje obavljaju državni službenici i poslove koje obavljaju namještenici.

II. UNUTRAŠNJA ORGANIZACIJA, BROJ, NAZIV I DJELOKRUG ORGANIZACIONIH JEDINICA

Član 3.

(1) Za vršenje istovrsnih, srodnih i međusobno povezanih upravnih i drugih stručnih poslova iz nadležnosti Ministarstva obrazuju se tri osnovne organizacione jedinice bez unutrašnjih organizacionih jedinica:

1. Odjeljenje za industriju, energetiku i rudarstvo;
2. Odjeljenje za razvoj;
3. Odjeljenje za poduzetništvo i obrt.

(2) Dio poslova iz nadležnosti Ministarstva koji čine samostalnu cjelinu i ne mogu se obavljati u formiranim osnovnim organizacionim jedinicama, obavljaju pojedini izvršioci izvan osnovnih organizacionih jedinica, koji za svoj rad neposredno odgovaraju ministru privrede (u daljem tekstu: Ministar) u Vladi Tuzlanskog kantona.

1. ODJELJENJE ZA INDUSTRIJU, ENERGETIKU I RUDARSTVO

Odjeljenje industrije, energetike i rudarstva vrši poslove iz nadležnosti Ministarstva koji se odnose naročito na:

- izvršavanje i obezbeđenje izvršavanja zakona, drugih propisa i akata i u vezi s tim utvrđene politike,
- izrada nacrta i prijedloga zakona, podzakonskih propisa i akata kao i pripremanje izmjena i dopuna tih propisa u oblastima iz nadležnosti Odjeljenja,
- vodenje prvostepenog i drugostepenog upravnog postupka iz nadležnosti Odjeljenja,
- pripremanje analitičko - informativnih materijala na osnovu prikupljenih podataka od privrednih subjekata iz nadležnosti Odjeljenja,
- praćenje stanja i predlaganje odluka za podsticanje privrednog razvoja i proučavanje stanja u oblasti industrije, energetike i rudarstva Tuzlanskog kantona (u daljem tekstu: Kanton) i davanje prijedloga za preduzimanje odgovarajućih mjera,
- prikupljanje podataka i vodenje baze podataka o stanju u oblastima iz nadležnosti Odjeljenja,
- izradu programa, projekata, planova i procjena iz nadležnosti Odjeljenja,
- pripremanje stručnih pravnih mišljenja i objašnjenja za primjenu zakona drugih propisa i općih akata povodom upita službi, pravnih subjekata i građana,
- stručnu obradu općih akata iz nadležnosti Odjeljenja,
- izradu prijedloga programa i akata u vezi sa utroškom budžetskih sredstava za potrebe iz nadležnosti Odjeljenja,
- provođenje procedure i pripremanje svih akata u postupku dodjele koncesije iz nadležnosti Ministarstva,
- utvrđivanje politike korištenja mineralnih sirovina i utvrđivanje programa geoloških istraživanja na području Kantona,
- vodenje službenih i drugih potrebnih evidencija iz nadležnosti Odjeljenja,
- davanje prijedloga i preduzimanje inicijativa za rješavanje pitanja iz nadležnosti Odjeljenja,
- vršenje svih drugih administrativno-tehničkih, operativno-tehničkih i pomoćnih poslova, a koji nisu u djelokrugu drugog Odjeljenja.

2. ODJELJENJE ZA RAZVOJ

Član 4.

Odjeljenje za razvoj vrši poslove iz nadležnosti Ministarstva koji se odnose naročito na:

- istraživanje, predlaganje i praćenje mjera poticanja privrednog razvoja Kantona,
- praćenje primjene zakonskih propisa iz oblasti privrednog razvoja,
- koordinaciju poslova razvojnog planiranja i upravljanja razvojem u Kantonu, te realizaciju razvojnih planova na nivou kantonalne administracije,
- prezentaciju mogućnosti potencijalnim ulagačima u privredni razvoj Kantona,
- predlaganje razvojnih programa i projekata i implementiranje projekata od značaja za Kanton,
- koordinaciju pripreme i izrade kantonalnih razvojnih strategija.